

■ VOTAZIUN FEDERALA

160 000 pèrs pajan memia bler taglia

Fertant che la confederaziun preschenta in quint cun in surpli d'entradas da milliardas pajan 160 000 pèrs – da quels 80 000 pèrs cun duas pajas e vitiers gist tants che retrain rentas – memia blera taglia ad onn. Quel surpli tar la confederaziun s'auda en l'avegnir als pèrs maridads ed als pèrs registrads ed als na duai betg vegnir tratg giu cunter tut dretg. La confederaziun po sa lubir d'abolir il chastì per esser maridà senza engrevgiar dapli ils pèrs en concubinat, singles e pèrs nua che be in gudogna.

Quest chastì è malgist e perquai da dismetter

Maridads pajan savens dapli impostas che pèrs en il concubinat – tar la medema entrada. Vitiers ston pèrs maridads vegnir or en la vegliadetgna cun 150% renta, fertant che pèrs na maridads survegnan 200%. Che quai saja malgist ha

il tribunal federal constatà gia avant 32 onns. Uss èsi be d'agir!

Mo in gea dismetta il chastì per esser maridà

Sulet l'actuala iniziativa da la pcd schlia vairamain il problem dal chastì per esser maridà. Ella sa drizza cunter la taxaziun birocratica individuala ed è per ina taxaziun pli favuraivla da cuminanza. Pèrs maridads e tals registrads furman ina cuminanza economica. Sche quella decisiun na vegn betg dada uss dal pievel resta la bloccada vinavant en il parlament ed i na dat era per ils proxims 32 onns nagina schliaziun.

Perquai, uschia recumonda la pcd, mettai in gea en l'urna per dismetter il chastì d'esser maridà. Plinavant in na a l'iniziativa per il repatriament effectiv, dentant in gea per in segir Gottard e cunter l'iniziativa dals giuvens socialistis.

Pcd grischuna